

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆՈՒ**

«---» մարտի 2012 թ.

N-Ա

ՈՐՈՇՈՒՄ

**ԵՐԵՎԱՆ ՔԱՂԱՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ
ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ**

Ղեկավարվելով Հայաստանի Հանրապետության քաղաքացիական օրենսգրքի 34-րդ գլխի կանոններով և Երևան քաղաքի ավագանու 2011 թվականի դեկտեմբերի 9-ի N345-Ն որոշմամբ հաստատված ծրագրի 3-րդ կետով՝

Երևան քաղաքի ավագանին որոշում է.

Թույլատրել Երևանի քաղաքապետին Երևան համայնքի սեփականություն համարվող Դավթաշեն 3-րդ թաղամասի հ.6 հանրակացարանի հ.3ա՝ 75.7քմ ընդհանուր մակերեսով բնակարանը /անշարժ գույքի սեփականության /օգտագործման/ իրավունքի գրանցման 25.10.2010թ. հ.2660164 վկայական/ սեփականության իրավունքով անհատույց օտարել /նվիրել/ Նշան Վարդանյանին, Համեստ Գրիգորյանին, Ռիմա Վարդանյանին, Ռիտա Վարդանյանին, Դավիթ Վարդանյանին:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ

«ԵՐԵՎԱՆ ՔԱՂԱՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ

Երևան քաղաքի Դավթաշեն 3-րդ թաղամասի հ.6 հանրակացարանի հ.3ա՝ 75.7քմ ընդհանուր մակերեսով բնակարանը 1996 թվականին «Երուդևոբորանս» ԼԿՊԶ-ի կողմից հատկացվել է Նշան Վարդանյանի ընտանիքին, սակայն կազմակերպության լուծարվելու պատճառով բնակարանի օրդերը և մի շարք փաստաթղթեր չեն պահպանվել:

Համաձայն Երևան քաղաքի Աջափնյակ և Դավթաշեն վարչական շրջանների ընդհանուր իրավասության դատարանի 14.12.2010թ. թիվ ԵԱԴԴ/0801/02/10 վճռում նշված տեղեկատվության՝ Դավթաշեն 3-րդ թաղամասի հ.6 հանրակացարանի հ.3ա բնակարանի նկատմամբ Նշան Վարդանյանն օգտագործման իր իրավունքը հաստատող փաստաթղթերի վերաբերյալ տեղեկատվություն ստանալու նպատակով 14.05.2010թ. դիմել է Հայաստանի Հանրապետության ազգային արխիվի Երևանի քաղաքային մասնաճյուղ: Ի պատասխան հայտնվել է, որ Դավթաշեն 3-րդ թաղամասի հ.6 հանրակացարանի հ.3ա բնակարանը վերջինիս հատկացնելու վերաբերյալ տեղեկություն չի հայտնաբերվել:

Ներկայումս Նշան Վարդանյանն ընտանիքի հինգ անդամներով հաշվառված բնակվում է նշված բնակարանում, սակայն հատկացման փաստաթղթերի բացակայության պատճառով բնակարանը մասնավորեցնելու հնարավորություն չի ունեցել:

«Երևան քաղաքում տեղական ինքնակառավարման մասին» Հայաստանի Հանրապետության օրենքի 12-րդ հոդվածի համաձայն Երևան համայնքի ավագանին որոշում է ընդունում համայնքային սեփականություն հանդիսացող գույքի կառավարման կարգի, ինչպես նաև օտարման տարեկան ծրագրի վերաբերյալ:

Ստեղծված իրավիճակում Դավթաշեն 3-րդ թաղամասի հ.6 հանրակացարանի հ.3ա հասցեում գտնվող բնակարանը սեփականության իրավունքով Նշան Վարդանյանին և իր ընտանիքին անհատույց օտարելու /նվիրելու/ համար անհրաժեշտություն է առաջացել կայացնելու Երևան քաղաքի ավագանու համապատասխան որոշում, որով կլուծվի այս ընտանիքի բնակարանային խնդիրը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ԵՐԵՎԱՆ ՔԱՂԱՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ
ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ՈՐՈՇՈՒՄՆԵՐԻ ԸՆԴՈՒՆՄԱՆ
ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՑՈՒԹՅԱՆ ՄԱՍԻՆ**

Երևան քաղաքի ավագանու «Երևան քաղաքի սեփականություն համարվող բնակարանն անհատույց օտարելու մասին» որոշման ընդունման առնչությամբ առաջանում է «Երևան համայնքի սեփականություն հանդիսացող բնակարանն անհատույց օտարելու մասին» Երևանի քաղաքապետի որոշում կայացնելու անհրաժեշտություն:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ԵՐԵՎԱՆ ՔԱՂԱՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ
ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ ԵԿԱՍՈՒՏՆԵՐՈՒՄ ԵՎ
ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու «Երևան քաղաքի սեփականություն համարվող բնակարանն անհատույց օտարելու մասին» որոշման ընդունման կապակցությամբ Երևանի բյուջեի եկամուտներում և ծախսերում փոփոխություններ չեն սպասվում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ